

四庫全書

史部

欽定四庫全書

史部

吳郡志卷

九七至

詳校官監察御史<sub>臣</sub>沈孫璉

檢討<sub>臣</sub>德生覆勘

總校官編修<sub>臣</sub>倉聖脈

校對官助教<sub>臣</sub>卜維吉

謄錄監生<sub>臣</sub>陸潮愈

欽定四庫全書

吳郡志卷七

宋 范成大 撰

官宇

提點刑獄司在烏鵲橋西北紹興元年建廳事後曰明  
清堂堂後小圃種竹有亭曰留客曾逮荆逮父文  
清公幾命名且作詩徐藏隸額乾道九年諸路添  
置武提刑一員遂於舊司之東撤去幹官廨宇以  
其地作東廳比年省罷使者來從其便而居焉

曾幾

留客亭詩序吾子逮作亭於官舍明清堂之後種竹殆千竿餘名其亭以留客取老杜竹深留客處之句因題二小詩云行到竹窮處有亭佳可遊境因吾子勝客為此君留娟淨經時雨蕭梢六月秋豈無他草樹涇渭不同流種竹無他事林間與客遊自應攜手入安用閉門留靜可過僧夏清宜對奕秋衰翁九節杖來往亦風流沈度汨汨多塵事長懷鳩杖遊每因門可款豈為醉相留靜契竹林勝幽非草樹秋公今國耆艾砥柱屹中流持節推仍世林園記昔遊深藏事幽討長轡詎淹留已見山無盜欣同歲有秋時容一嘯詠竊比晉名流浙西提刑題名淳熙三年直龍圖閣陳公繇浙東常平使者按刑西道領刺史韓公繇浙東刑獄使者奉祠三衢同時被命以西二公前日僚舊也弭節未幾聲諧志合風績俱茂暇日因相語曰凡官寺必有所謂壁記是司也獨缺焉其名氏官職與夫

在事之歲月久而遂泯不可復知非所以隆一臺  
詔後世也於是搜閱案牘自建炎迄今居是官者  
得四十有二人馬將鏡石龕置壁間俾賈為之記  
惟案刑遣使國家令典也漢暴勝之為直指使者  
行郡國而謹督捕唐顏真卿為監察御史使五原  
而決冤獄事固甚類然未有專為刑獄遣著之令  
甲者本朝列聖相承子視元元欽恤刑章在淳化  
中始遣常參官提點諸路刑獄景德以來始兼用  
武臣厥後沿革因時或省或置汗青所載可考而  
知聖上龍飛惟祖宗成憲是循用文武長材求之  
如不及迺乾道六年遵景德故事制詔諸路各置  
武提刑一員與文臣合臺共治惟時兩浙古一道  
也熙寧末年岐而復合建炎以後復析而東西之  
浙西在今實為畿甸異時遣使視他路尤切注意  
今陳公以名御史韓公以左右信臣為之皇華得  
人於斯為盛恭聞真宗皇帝嘗命資政殿大學士

向敏中較諸路提刑所上課績惟兩浙有奏報雪  
活冤獄者運命陞其等級以示旌勸今日考覈之  
意同符真宗則奏最九重必有非常之寵又當自  
二公始故賈敢忘屬吏之賤學殖之荒落而記不  
敢辭淳熙四年四月日奉議郎知常州  
武進縣主管勸農公事借緋陳賈記

施炯

左朝散大夫建炎四年九月十七日到任紹興  
二年二月改除江東提刑

邵昂

左朝請郎紹興二年四月十六日到任當年十  
一月罷

向宗厚

右朝奉大夫紹興二年十一月  
二十九日到任五年正月宮觀

朱緯

左朝奉大夫紹興五年正月二十三日  
當年二月二十八日改除兩浙轉運副使到任

吳表臣

右朝請郎紹興五年三月十五  
日到任當年十二月除祕書監

朱緯

左朝散大夫紹興六年五月十四日到任七年三月改差知信州

陳楫

左朝散大夫直龍圖閣紹興七年三月初三日到任八年七月改差知台州

曾幾

左朝奉大夫紹興八年十二月二十日到任九年六月宮觀

向宗厚

右朝散大夫紹興九年七月十四日到任十一年四月改差知婺州

張叔獻

右朝奉郎直祕閣紹興十一年九月二十五日到任十二年十月改除兩浙轉運副使

王鈇

右朝奉大夫直祕閣紹興十二年十一月初二日到任十三年八月改除兩浙轉運副使

万俟止

右朝散大夫紹興十三年八月二十七日到任十四年三月宮觀

符行中

左朝奉郎紹興十四年七月二十四日到任十五年二月罷

徐琛

右朝散郎直祕閣紹興十二年四月十三日到任當年十二月除軍器監

高世定

右朝請大夫直龍圖閣紹興十六年正月二十六日到任當年六月罷

吳傳

左奉議郎紹興十六年七月十三日到任十八年十二月官觀

趙令詔

左朝請大夫紹興十八年十一月十七日到任十九年十一月官觀

謝邦彥

左朝請大夫紹興二十五年十二月初九日到任二十六年三月罷

趙渙

左朝奉郎紹興二十六年五月二十八日到任二十七年二月官觀

金安節

左朝散郎紹興二十七年二月十七日到任當年九月改除大理少卿

陳抃

右朝散大夫紹興二十七年十月初二日到任二十八年正月官觀



徐康

右朝奉大夫紹興二十八年三月十八日到任當年十月罷

邵大受

左朝請大夫直祕閣紹興二十八年十月初五日到任二十九年閏六月初五日除左司

呂廣問

左朝請郎紹興二十九年七月初七日到任三十年四月改除兩浙轉運副使

黃應南

左朝散郎紹興三十年七月初七日到任三十一年六月初七日致仕

王趯

右朝請大夫紹興三十一年八月初五日到任三十二年八月二十一日罷

王傳

左朝議大夫紹興三十二年十月初二日轉左中奉大夫當年正月

六月十一日  
改知信州

葉謙亨

左朝奉大夫直顯謨閣隆興二年八月初五日到任當年十一月十五日致仕

曾逮

右承議郎隆興二年閏十一月初六日到任乾道二年五月二十六日丁父憂

王淪

左朝散郎乾道二年六月二十八日到任當年八月初七日改除吏部郎官

姚憲

右朝奉郎乾道二年九月初六日到任三年五月十一日除直祕閣知平江府

陳良翰

左朝散郎直敷文閣乾道三年六月十一日到任四年五月盜賊肅靜特轉左朝請郎當

年十一月二十四日改除宗正少卿

李簡能

左朝奉郎乾道四年十二月二十八日到任五年二月二十一日磨勘轉左朝散郎六年

六月十六日除直祕閣主管台州崇道觀

任文薦

左朝奉大夫直寶文閣乾道六年八月二十五日到任七年六月二十六日除祕閣修撰

改差知  
建寧府

王淮

左朝散郎直敷文閣乾道七年十月十一日  
到任八年十一月初九日改除大常少卿

梁俊彦

右武大夫高州刺史乾道九年閏正月初五  
日到任淳熙元年三月二十七日除福建提

刑續改差提  
舉佑神觀

呂企中

右朝散郎直寶文閣乾道九年六月二十六  
日到任當年十二月二十七日改知揚州

鄭興裔

武功大夫江州觀察使淳熙元年四月初九  
日到任當年八月二十日改除江東提刑續

召赴  
行在

徐本中

朝奉大夫充集英殿修撰淳熙元年十二月  
十四日到任三年三月二十五日改除江東

轉運  
副使

趙師夔

承議郎直龍圖閣淳熙三年五月十八日到任當年六月初八日罷

陳舉善

以朝奉郎直龍圖閣浙東提舉除淳熙三年八月初八日到任五年四月二十七日召除

左司

韓俟

以武德大夫高州刺史奉祠除淳熙三年十月初六日到任五年九月初六日改差知廬州

呂正己

以降授朝散大夫直顯謨閣知鎮江府除淳熙五年六月初二日到任當年九月初一日

罷

韓元龍

以朝散大夫司農卿除直龍圖閣浙西提刑淳熙五年十月初四日到任七年十月初二

日主管毫  
州明道官

趙伯驥

以武功大夫忠州團練使浙西總管除淳熙五年十月十六日到任七年八月初六日轉

和州防  
禦使

梁總

以朝散大夫大理少卿除淳熙七年十月十六日到任九年七月十三日改除江東提刑續准

省劄因兼知嚴州掾  
荒有勞除直敷文閣

傅淇

以朝請大夫浙東提刑除淳熙九年十月十六日到任十一年六月除直龍圖閣十月十六日

再任十二年三月二  
十六日改知寧國府

劉頴

以降授朝散郎浙西提舉除淳熙十二年四月初二日到任當年十月初十日罷

勾昌泰

以降授宣教郎浙東提舉除淳熙十二年十一月到任十三年二月轉奉議郎當

月敘承議郎四月磨勘轉朝奉郎當年七月初十日罷

王尚之

以朝奉郎大理少卿除直寶文閣浙西提刑淳熙十三年閏七月初三日到任十四年二

月十四日改除司農少卿湖廣總領

趙子濛

以朝議大夫直龍圖閣知揚州除淳熙十四年五月十二日到任十五年四月十六日除

祕閣修撰致仕

潘景珪

以朝議大夫知池州除淳熙十五年五月初四日到任當年十二月初五日改除大理卿

王師愈

以朝議大夫直祕閣福建運判除淳熙十六年正月二十八日到任七月初十日除直煥

章閣  
宮觀

袁說友

以朝議大夫浙東提舉除淳熙十六年七月二十八日到任紹熙元年三月除直祕閣知

平江府

王正己

以朝請大夫充祕閣修撰新江東提刑改除紹熙元年五月初三日到任十二月初三日

准敕以陳乞宮祠差主管  
建寧府武夷山冲佑觀

應孟明

以朝奉郎直祕閣知靜江府除紹熙元年十月二十四日到任二年九月除尚左郎官

陳公亮

以朝請大夫直祕閣福建提刑除紹熙三年四月到任四年除江南西路轉運副使

黃通

以朝奉大夫浙西提舉除紹熙五年正月到任當年除荆湖南路轉運判官

傅伯壽

以朝議大夫直煥章閣江東運副除紹熙五年某月到任慶元元年除將作監

何異

以朝請郎新江東提刑改除慶元元年八月到任三年除直敷文閣八月除太常少卿

韓邈

以朝請大夫直祕閣浙西提舉改除慶元三年八月到任當年除金部郎官

虞儔

以朝請大夫新除直顯謨閣江西運副權知平江府除慶元四年正月到任依舊兼知平江府

六月任兼九月除直寶文閣知廬州

朱致知

以朝議大夫直徽猷閣奉祠除慶元五年四月到任當年除樞密院檢詳

薛紹

以朝散大夫提舉兩浙西路常平茶鹽公事除慶元五年六月到任當年除戶部郎官淮東總

領



任洙

以朝散郎提舉兩浙西路常平茶鹽公事除慶元六年正月到任嘉泰元年除直祕閣宮觀

陳研

以朝散大夫直祕閣荆湖南路轉運副使除嘉泰元年六月到任二年除樞密院檢詳

孟綸

以朝請大夫尚書倉部除嘉泰二年六月到任三年五月罷

曾棗

以朝散大夫荆湖南路計度轉運副使除嘉泰三年八月到任十七日除直煥章閣當年除太

府少卿

方銓

以朝散大夫尚書司封郎中除嘉泰三年十二月到任開禧元年四月改除江西運判填見闕

葉簣

以朝議大夫尚書戶部郎中除開禧元年五月到任二年四月召赴行在除右司

胡元衡

承議郎尚書右司員外郎除直寶謨閣開禧二年四月到任嘉定元年正月召赴行在除

正檢

汪文振

朝散大夫司農少卿兼玉牒所檢討官除直  
寶謨閣嘉定元年正月到任八月准省劄權

鎮江府并權淮東總領九月  
正除司農少卿淮東總領

李孟傳

朝請大夫除倉部郎官改除嘉定元年十  
月到任二年七月除直祕閣江東提刑

王居安

朝奉郎知太平州除直龍圖閣嘉定二年  
九月到任當年赴詔行在除權工部侍郎

留恭

朝奉大夫浙西提舉嘉定三年正月兼權提  
刑四月就除五月改除直寶謨閣知紹興府

劉燭

朝散大夫尚書吏部郎中嘉定三  
年五月到任四年二月除司業

章棣

朝奉郎浙西提舉嘉定四年  
正月兼權提刑閏二月正除

陳芾

朝散郎新除大理寺丞嘉定五年正月到任兼權平江府七月除直祕閣知平江府

金嶸

以朝請郎守軍器監除嘉定五年到任七年八月除大理少卿

柴中行

承議郎直祕閣除江東運判未赴嘉定七年八月改除十一月到任九年除尚左郎官

王涪

朝奉郎新福建提刑改除嘉定九年五月到任九月宮觀

王槩

承議郎浙西提舉兼權嘉定十年十二月正除十一年八月除金部郎官尋得旨又兼權平江

府

喬行簡

朝散郎江淮等路都大提點坑冶除嘉定十年正月到任閏二月節制許浦水軍三月

兼權平江府十一月除直祕閣依舊浙西提刑兼知鎮江府當月除軍器監十二月除直煥章閣知

鎮江府兼權提刑  
十四年除司業

趙懇夫

朝散郎兵部郎官除嘉定十四年十一月到任十六年除直祕閣再任寶慶元年罷

林介

朝散大夫浙西提舉兼權賢慶元年直祕閣正除三年兼權平江府十二月除太府少卿依舊

兼權平江府紹定元年十一月改除大理少卿

王與權

朝請郎紹定二年正月二十八日到任

檢法官廳在提刑司東

幹辦公事廳在東廳後

提舉常平茶鹽司在子城之東廳事東有小池上有假

山榜曰壺中林壑米友仁書池南北有亭南曰揚  
清北曰草堂廳事之西有寶翰閣亦友仁書額廳  
東北曰宣惠堂廳後曰皇華堂廳之東側曰頤齋  
齋後圃中曰望雲堂紹興三十年楊和王子侯持  
節時作為思親也池旁曰繡春堂淳熙十五年史

彌正建

徐康記官舍題名其來久矣非特紀歲月  
次先後而其人之賢不肖治行之能否亦

繇此可考焉自守令而下凡在官者未之或廢也  
初元豐崇寧之間嘗遣廷臣分行諸路號提舉措  
置鹽事除授繼踵而屢經併省政和之二年始罷  
官鬻行新鈔鹽法於是兩河二浙荆湖江淮復置

提舉司以總之宣和五年又分淮浙為西路則八  
州軍三十八縣隸焉治平江府今在府治之東廳  
事獨無記康之承乏又當兵火後案籍殘缺欲為  
之而未暇會朝廷纂修先帝實錄史官移文郡縣  
諸司取會題名於是網羅闕遺訪問故老得承議  
郎王晉明而下訖于朝請大夫石彥和凡二十人  
皆以月日為次其未分路則或治會稽非今所部  
書之以著其始而闕其所不可考者哀而刻諸石  
以備采擇焉惟政事之在天下莫如財用而山澤  
之利常居其半管仲治齊謹正鹽筴國以富饒用  
能成九合之功自漢唐以來鹽鐵權酒均輸之議  
紛紛不同而常為國家大計所以制四夷安邊足  
用之本善乎魏尚書邢巒之言聖人斂山澤之貨  
以寬田疇之賦收關市之征以助什一之儲取此  
與彼非為身也御史中尉甄琛請弛河東鹽池之  
禁以為為民父母而吝其鹽醢兼有羣生而權其

一物是專奉口腹而不及四體也。鹽鐵之曰：坐談則理高行之，則夷闕于時，咸以為然。世宗卒從環議，其後豪貴封護甚於官司，乃復禁如初。夫古今異宜，治非一軌，下三章之約於結繩之代，猶為密網。大古之無事後，世非所及，而欲虞衡之官捐利予民，安在其為知務也？與其賦外橫斂，曷若權制商賈，為不失重輕之術哉？為今之法者，近是矣。鈔有茶鹽香礬四等茶鹽之課，故歲至七百萬緡。鹽利居五之四，並海縣道煮水者六所額以斛計者，常不下百五十萬，則所以裨國計以圖恢復之功者，夫豈少哉？而康獨有感焉者，四人之中，農為最勞，以其終歲勤動，寒耕而熟耘也。今所謂亭戶，則過於此，加以負山帶海，頑獷成俗，急趨利而輕犯法，使輸貨於官者，價直以時，毋或高下，則盜販息，盜販息，則抵冒少，犴獄簡，不但公家利其入而已，故樂以告後之人。厥初建官，兼治香礬，後不復較。

而以摘山煮海正其名稱謂之提舉茶鹽公事司  
蓋自宣和七年始也紹興十年七月十六日右奉

議郎提舉兩浙西路  
茶鹽公事徐康記

承議郎王晉明

政和二年十一月到任

朝奉郎李堯俊

政和四年到任

宣教郎曾纁

政和六年十一月二十  
五日到任七年罷任

奉直大夫吳林

闕

奉議郎魏志崇

闕

承事郎何志修

政和七年添差



宣教郎曾纁

宣和元年九月二十日到任

朝奉郎陳隆壽

宣和元年十一月十四日到任二年五月十五日改添差於越州置司三

年二月就除兩浙提舉常平

朝奉大夫劉敏才

宣和二年到任三年五月罷

通直郎王躋

宣和三年五月到任六月物故

奉議郎李與權

宣和三年到任五年丁憂

通直郎李弼孺

宣和五年到任六年丁憂

奉議郎王據

宣和七年四月到任當年七月丁憂

通直郎王暘

宣和七年到任建炎二年五月任滿

奉直大夫陳述

建炎二年五月二十八日到任四年正月二十八日罷任

承議郎直祕閣梁汝嘉

建炎四年三月二十三日到任紹興二年二月十五日就

除兩浙轉運判官

左宣教郎夏之文

紹興二年四月十九日到任三年四月十三日罷任

右通直郎張愿

紹興三年五月二十七日到任四年正月初九日罷任

右通直郎侯憲

紹興四年二月初三日到任五年四月十二日罷任

左宣教郎錢堪

紹興五年四月二十六日到任七年四月二十六日任滿

左朝請大夫石彥和

紹興七年四月二十七日到任九年四月二十七日任滿

右承議郎徐康

紹興九年四月初三日到任十一月初三日滿替除權發遣嚴州

續改知  
常州

右朝散郎米友仁

紹興十一年五月初四日到任十二年四月十一日除將作少監

右朝散大夫万俟卨

紹興十二年五月內到任紹興十三年八月內就除浙西提刑

右通直郎吳垓

紹興十三年九月四日到任至紹興十四年十二月三十日改除兩浙運

判

右朝散大夫韋壽成

紹興十五年二月十三日到任當年七月二日改除倉部郎官

右朝奉大夫直祕閣鄭僑年

紹興十五年七月初四日到任當年八月十九

日與浙東提舉高顯謨兩易

右朝請大夫直顯謨閣高世定

紹興十五年八月二十六日到任十六年

正月二十六日除直龍圖閣浙西提刑

左朝奉郎孫汝翼

紹興十六年七月初十日到任十七年正月二十七日除提點江淮

等路坑冶鑄錢

右朝請大夫黃仁榮

紹興十七年七月十九日到任至十八年九月十一日罷任

右奉直大夫王昫

紹興十八年十一月初三日就除知平

江府

右朝散大夫王珏

紹興十九年十一月十五日到任  
紹興二十一年十二月十四日任

滿

右朝散大夫李琛

紹興二十一年十二月十五日到任  
紹興二十四年五月初二日改

除知婺州

左朝奉大夫孟處義

紹興二十四年五月初四日到任  
二十五年正月初七日改除

淮南路轉運判官

右朝請大夫李流

紹興二十五年四月初三日到任  
六月初六日改差知明州

左朝議郎杜師旦

紹興二十五年七月初三日  
到任十月二十六日罷

右通直郎司馬倬

紹興二十五年十二月十五日  
到任二十六年四月初十日罷

左朝請大夫趙子砥

紹興二十六年六月初二日到  
任當年八月二十二日致仕

右朝奉大夫陳抃

紹興二十六年閏十月初二日到  
任二十七年九月初八日改除浙

西提  
刑

左朝請郎朱倬

未到任間改  
除右正言

左朝奉郎謝伋

紹興二十七年十一月自權知處  
州准告授十二月二十三日到任

右朝請郎呂廣問

紹興二十九年四月一日到任當  
年閏六月二十一日改除浙西提

刑

左朝奉大夫直祕閣楊倓

紹興二十九年七月十四日到任三十年除直顯謨

閣三十一年二月准  
敕主管台州崇道觀

左朝請郎洪适

紹興三十一年三月初四日到任當  
月初六日改除江東提舉常平茶鹽

公事

右朝散大夫徐康

紹興三十一年四月初一日到任  
三十二年閏二月二十六日改除

戶部郎官總領  
淮東軍馬錢糧

左朝請郎章服

紹興三十二年七月初五日到任隆  
興二年七月二十五日改除吏部郎

官

右朝奉大夫曾懌

隆興二年九月初七日到任乾道元年三月初六日除尚書度支部郎

官

右朝奉郎姚憲

乾道元年三月初十日到任乾道二年八月七日改除本路提刑

右朝奉大夫劉敏士

乾道二年十二月初六日到任至乾道三年十二月初六日改

除兩浙轉運判官

右朝請郎錢建

乾道四年六月十五日到任五年四月二十四日准敕主管台州崇道觀

左承議郎芮輝

乾道五年二月十六日到任六年八月內除江西運判



右朝散大夫直敷文閣胡堅常

乾道六年九月十三日到任乾道七年正

月初二日改  
除兩浙運判

右奉議郎李結

乾道七年正月十七日到任  
乾道八年七月十六日罷

右朝散大夫葉模

乾道八年八月二十六日到任  
熙元三年三月十一日召赴行在

朝散大夫陳峴

淳熙元年五月二十日到任  
至淳熙二年二月二十三日准告除直祕閣

當年二月二十六日改  
除兩浙路轉運判官

承議郎直祕閣薛元鼎

淳熙二年三月初九日到任  
四年正月初五日改除戶部

郎官

朝奉大夫潘時

淳熙四年二月初五日到任  
五年六月兩易江東提舉

朝散郎顏師魯

淳熙五年十月初四日到任  
六年十月十七日除直秘閣七年九月十

二日召  
赴行在

承議郎趙伯渙

淳熙七年十月初八日到任  
十一月丁母憂

奉議郎張杓

淳熙九年正月初八日到任  
當年九月十五日除兩浙

判運

奉議郎王尚之

淳熙十年正月二十八日到任  
當年十一月二十二日召赴行在

朝散郎劉穎

淳熙十年閏十一月初二日改除  
浙西提刑

朝奉郎石起宗

淳熙十二年四月十七日到任  
當年十二月二十七日改除

奉議郎羅點

淳熙十三年二月初二日到任  
十五年正月二十八日赴召

朝奉郎史彌正

淳熙十五年三月初六日到任九月  
初五日除直祕閣十六年改除淮東

提舉

朝奉郎張體仁

淳熙十六年六月初三日到任紹熙  
元年十月除戶部郎官湖廣總領

朝奉郎徐誼

紹熙元年十二月初一日到任三  
年五月初二日被旨赴行在奏事

已上補注

朝奉大夫黃適

紹熙三年七月到任紹熙  
五年正月改除浙西提刑

朝請大夫鄭公顯

紹熙五年正月到任當  
年九月改除湖南提舉

朝請郎黃灝

紹熙五年十月到任慶  
元年追兩官放罷

朝奉大夫許介

慶元元年三月到任常  
年九月兩易江東提舉

降授朝散大夫李唐卿

慶元元年十月到任二年  
復朝請大夫當月致仕

朝散大夫韓邈

慶元二年三月到任三年除  
直祕閣八月除浙西提刑

朝請大夫俞豐

慶元三年九月到任四  
年五月除浙東提刑

朝散大夫薛紹

慶元四年七月到任五  
年六月除浙西提刑

朝散郎任洙

慶元五年六月到任  
十二月除浙西提刑

中奉大夫陳昭嗣

慶元六年正月到任  
至嘉泰元年宮觀

朝請大夫趙善閏

嘉泰元年十月到任  
二年召赴行在

朝請郎直祕閣任清叟

嘉泰二年十二月到任  
三年宮觀

朝奉大夫趙不憊

嘉泰三年三月到任  
除直祕閣四年召赴行在

朝散大夫史彌遠

嘉泰四年四月到任  
開禧元年改除司封郎官

承議郎黃瑩

開禧元年三月到任  
二年六月召赴行在

朝散大夫陳耆壽

開禧二年六月到任  
嘉定元年除直祕閣當年除右曹郎官

朝奉郎林拱辰

嘉定元年閏四月到任  
二年除直祕閣淮東運判

欽定四庫全書

吳郡志  
卷七

十八

朝奉大夫留恭

嘉定二年八月到任三年四月改除浙西提刑

朝奉郎章棟

嘉定三年五月到任四年閏二月除浙西提刑

承議郎應武

嘉定四年閏二月到任七月除宗正丞

朝散郎楊輝

嘉定五年八月初四日到任七年八月兼權提刑當月除左曹郎官

朝散郎吳格

嘉定七年九月九日到任除左曹郎官

承議郎王棐

嘉定九年八月到任九月兼權提刑十年正除

奉議郎魏豹文

嘉定十年十二月到任十二年十月除軍器少監

奉議郎程珙

嘉定十二年十一月到任十三年除秘書丞權右司郎官

承議郎朱在

嘉定十三年十二月到任十四年除右曹郎官十二月暫時兼權嘉興府

朝奉郎趙希齊

嘉定十四年閏十二月到任十五年罷

朝奉大夫劉垕

嘉定十五年十一月到任十七年宮觀

朝散大夫林介

嘉定十七年十月到任寶慶元年正月兼權提刑十一月除直祕閣浙西

提刑

朝奉郎司馬述

寶慶元年十二月到任紹定元年正月除大理正八月除金部郎官

朝請大夫王栻

紹定元年十月到任

茶鹽司幹辦公事廳二一在醋庫巷之內一在郡樓之

東

常平司幹辦公事廳二一在檢法廳之北一在郡樓之

西

姑蘇館在盤門裏河西城下紹興十四年郡守王喚建

體勢宏麗為浙西客館之最中分為二曰南館北

館紹興間始與金通和使者歲再往來此館專以

奉國信貴客經由亦假以檣船登城西望吳山皆

在指顧間故又作臺於城上以姑蘇名之雖非故



處因館而名亦以存舊事也制度尤瑰特為吳中  
偉觀此臺正據古胥門門跡猶存又有百花洲在  
臺下射圃在洲之東臺洲亦皆曠所建并館額皆  
吳說書

吳會亭升羽亭候春亭茂苑亭春波亭皆孫老橋之  
東吉利橋之西河北岸沿流客館也

皇華亭平匯亭在飲馬橋之東北岸亦客館

升平館在梵門橋南

賓興館在貢院前河西

望雲館在閤門河南

高麗亭二一在閤門外一在盤門外舊高麗使人入  
朝作此亭以館之今猶仍舊名

吳門亭在盤門內

吳郡志卷七

欽定四庫全書

吳郡志卷八

宋 范成大 撰

古蹟

吳城事具城郭門

石室在常熟縣海隅山石室凡十所相傳太公避紂居之孟子太公避紂居東海之濱常熟去海近或是

言偃宅蘇州記云在常熟縣西史記云言偃吳人也吳地志云宅有井井邊有洗衣石周四尺皆其故物與

地志云梁蕭正德為郡太守將石去莫知所在

丁令威宅在陽山文殊法海寺有煉丹井存焉號令威井

射臺華池南城宮姑蘇臺組山鷗陂游臺石城長洲林園石龍以上悉吳闔廬故跡吳越春秋云闔廬既立夫差為太子使將兵屯守而自治宮室立射臺於安平里華池在平昌南城宮在長樂里闔廬出入游卧秋冬治於城中春夏治於城外姑蘇之臺旦食組山

晝游蘇臺射於鷗陂馳於游臺興樂石城走犬長洲  
馬越絕書云石城者闔廬所置美人離城也吳地記  
云石城吳王離宮越王獻西施於此城又云林園在  
華林里石龍在闕壇里里在烏鵲橋東皆闔廬作

流盃在女墳湖西百五十步闔閭三月三日泛舟遊之

今基隍猶存

吳地記

秦餘杭山即今陽山越破吳夫差遁去晝馳夜走三日  
三夕達於秦餘杭山餒甚顧得生稻而食之伏地而

飲水馬

吳越春秋

夷亭闔閭十年東夷侵逼吳境下營於此因名之

吳地記

酒城在壇城邊夫差祭子胥處臨祭勸酒因名焉城中

有石子

走狗塘吳王作

干隧越王以散卒三千擒夫差於干隧在吳縣西北史

記正義干隧出葉安山西南一里

戰國策史記正義

姑蘇臺在姑蘇山舊圖經云在吳縣西三十里續圖經

云三十五里一名姑蘇一名姑餘史記正義云在吳縣西南三十里橫山西北麓姑蘇山上山水記云闔廬作春秋遊焉又云夫差作臺三年不成積材五年乃成造九曲路高見三百里句踐欲伐吳於是作柵楣嬰以白壁鏤以黃金狀如龍蛇獻吳王吳王大悅受以起此臺越絕書云闔廬造九曲路以遊姑胥之臺柵楣之義未詳此楣所謂神木一雙大二十圍長五十尋者吳王將起臺子胥諫曰王既變禹之功而

高高下下以罷民於姑蘇吳民離矣弗聽洞冥記云  
吳王夫差築姑蘇之臺三年乃成周旋詰屈橫亘五  
里崇飾土木殫耗人力宮妓千人臺上別立春宵宮  
為長夜之飲造千石酒鍾又作天池池中造青龍舟  
舟中盛致妓樂日與西施為嬉又於宮中作海靈館  
館娃閣銅溝玉檻宮之楹櫨皆珠玉飾之吳地記云  
闔廬十一年起臺於姑蘇山因山為名西南去國三  
十五里夫差復高而飾之越伐吳焚之又云闔廬十



年築經五年始成高三百丈望見三百里造曲路以  
登臨吳王春夏遊姑蘇臺秋冬遊館娃宮興樂華池  
南城之宮又獵於長洲之苑太史公云余登姑蘇望  
五湖案五湖去此臺尚二十餘里越絕書云夫差伐  
齊越范蠡洩庸帥師屯海道江以絕吳路敗太子友  
遂入吳國燒姑胥臺徙其大舟續圖經考之傳記謂  
闔廬食不二味居不重席器不雕鏤宮室不觀舟車  
不飾而吳越春秋言闔廬晝游蘇臺蓋此臺始基於

闔廬而成於夫差庶可以合傳記之說云

唐任公叔登姑蘇臺

賦司馬遷世掌天官才稱良史探禹穴之遺跡紀吳國之舊軌乃慨然而嘻曰登此姑蘇之墟淹留今躋踏感斯宇之基為治而仲雍之祀忽諸我聞周道既衰諸侯狎主中無霸王蠻戎振旅始闔閭以信威繼夫差以極武左與勁越同壤右與強楚為鄰內有高臺之築外有遠略之勤積如芥而暴骨亦如讎而視人是以疆場日駭版築未弭方五載而厥成造中天而特起因土累以臺高宛岳立而山峙或比象於巫廬之峰或倒影於滄浪之水悉人之力以為美觀厚人之澤以為侈靡斯實累卵於九層夫何見乎三百里俚語有之曰川壅則潰月盈則匡善敗由已吉凶何常矧謀主之賜劍若涉川兮無梁以為棲越以求霸卒見卷吳而受殃客自南鄙觀於江濱徘徊舊德惆悵前聞試遊目於寥廓曾足歸然而參雲聽逆虐

而翳諫竟麋鹿而爲羣高天放曠平湖決滌奕奕孤  
嶼茫茫極浦悲早鴈於海風嘯寒鷗於江雨況復關  
梁坐隔羈旅增愁山木將落汀葭亂秋思美人兮子  
胥何爲懷直道而驟諫遭重昏之見危將漁父以抗  
跡且垂釣於江湄高臺既傾夕露沾衣感蒞國之不  
及冀來人之與歸者也崔鶻姑蘇臺賦崔子勤學少  
間與客游於橫山之下有臺巋然出於羣山荒基峻  
級高切雲間荆棘爲之蒙翳麋鹿爲之迴環余語諸  
客此何所也客曰子不聞吳都之壯麗乎造姑蘇之  
高臺臨四遠而特起此其遺址也余乃倚杖而立喟  
然而嘆曰蓋聞吳王之築斯臺也受鄰越之貢竭全  
吳之力千夫山吟萬人道泣三年而聚材五年而建  
立佩茂苑於長洲帶濬池以朝夕自以爲天下之奇  
觀也而今安在哉神材異木飾巧窮奇黃金之楹白  
璧之楣龍蛇刻畫燦燦生輝而今安在哉於是與客  
偃僂而上抵其上之絕巔快四面之遐瞻南望洞庭

夫椒之山湖水澄澈其名銷夏灣者吳王避暑之所也北望靈巖館娃之宮廊曰響屧徑曰採香者吳之別館西子之遺蹤也其東吳城射臺巍巍其西胥山九曲之遠至於興樂有城玩華有池走犬有塘闢雞有陂猶不足以充其欲也又侈斯臺以爲娛嬉嗚呼雕楹鏤檻者丘墟之幾也九層百仞者汙池之漸也瑤臺作而夏衰瓊室考而商危章華成而楚衆叛阿房出而秦人離斯喪亂之必然曷吳王之不思也哉方其酌醪醕賦珍羞置酒若淮泗積肴如山丘其宴樂固極矣而不知會稽之上飲食嘗膽方焦思而深謀旁籠西山俯視太湖憑高望遠三百餘里其登覽同廣矣而不知笠澤之畔銜枚仆鼓忽潛軍而夜濟是以橫塘之浦僅通而越來之溪已逼高下之築未乾而勾踐之城已距於咫尺矣皆越來溪越王城詞未竟客悵然曰已矣乎古往今來邈矣悠哉蒼煙芳滿目舊事芳飛灰幸江山之不改芳後之人當有鑑於

遺臺陳羽憶昔吳王爭霸日歌謠滿路上蘇臺三千  
宮女看花處人靜臺空花自開李白蘇臺覽古舊苑  
荒臺楊柳新菱歌高唱不勝春只今唯有西江月曾  
照吳王宮裏人曹鄴吳宮酒未消又宴姑蘇臺美人  
和淚去半夜閨門開相對正歌舞笑中聞鼓鼙星散  
九重門血流十二街一去成萬古臺盡人不回時聞  
野田中拾得黃金釵李紳雜句序臺今遺跡連接靈  
巖寺採香徑響簾廊皆在寺內越王獻吳王黃金鏤  
楣吳王所造姑蘇臺因獻楣遂以黃金盡飾以破其  
國詩云越王巧破夫差國來獻黃金重雕刻西施醉  
舞花艷傾妒月嬌娥恣妖惑姑蘇百尺曉鋪開樓楣  
盡化黃金臺歌清管咽歡未極越師戈甲浮江來伍  
胥抉目看吳滅范蠡全身霸西越寂寞千年盡古壠  
蕭條兩地皆明月靈巖香徑掩禪扉秋草荒涼徧落  
暉江浦迴看鷗鳥沒碧峰斜見鷺鷥飛如今白髮星  
星滿却作閒官不聞散野寺經過懼悔尤公程迫蹙

悲秋館吳鄉越國舊淹留草樹煙霞昔徧游雲木夢  
迴多感歎不惟惆悵到長洲羅隱讓高太伯開基日  
賢見延陵復命時未曾子孫因底事解崇臺榭為西  
施劉駕句踐飲膽日吳酒香滿杯笙歌入海雲聲自  
姑蘇來西施舞初罷侍兒整金釵衆女不敢妒自比  
泉下泥越鼓聲騰騰吳天隔塵埃難將角束地更學  
曾稽栖霞跡一朝盡草中棠梨開劉禹錫故國荒臺  
在前臨震澤波綺羅隨世盡麋鹿占時多築用金鉗  
力推因石鼠窠昔年彫輦路惟有採樵歌楊備山花  
野草一荒丘雲裡驕奢舊跡留珠翠管絃人不見上  
頭麋鹿至今遊

# 春宵宮

# 天池

海雲館

館娃閣

銅溝玉檻

並見上

館娃宮吳越春秋吳地記皆云閭闔城西有山號硯石

山山在吳縣西三十里上有館娃宮又方言曰吳有

館娃宮今靈巖寺即其地也山有琴臺西施洞硯池

翫花池山前有採香徑皆宮之故跡

唐殷堯藩吳宮詩吳王愛歌舞

夜夜醉嬋娟見日吹紅燭和塵掃翠鈿徒令句踐霸不信子胥賢莫問長洲草荒涼無限年李嘉祐傷吳

中館娃宮中春已歸闔閭城頭鶯已飛復見花開人  
又老橫塘寂寂柳依依憶昔吳王在宮闕館娃滿眼  
看花發舞袖朝欺陌上春歌聲夜怨江邊月古來人  
事亦猶今莫狀清觴與綠琴獨向西山聊一笑白雲  
芳草自知心李紳江雲斷續草綿連雲隔秋波草覆  
煙飄雪荻花鋪漲渚變霜楓葉卷平田雀愁化水喧  
斜日鴻怨驚風叫暮天因問館娃何所恨破吳紅臉  
尚開蓮皮日休懷古艷骨已成蘭麝土宮牆依舊壓  
層崖弩臺雨壞逢金鏃香逕泥銷露玉釵硯沼祇留  
溪鳥浴牒廊空信野花埋姑蘇麋鹿真閑事須為當  
時一愴懷皮日休綺閣飄香下太湖亂兵侵曉上姑  
蘇越王大有堪羞處秋把西施賺得吳陸龜蒙三千  
雖衣水犀珠半夜夫差國暗屠猶  
有美人皆二八獨教西子占亡吳

西施洞在靈巖山之腰山即館娃宮所在故西施洞在



馬

徐黃勾踐進西施賦

以以紅顏艷色妖以艷當勾踐之密謀

進西施而果驗昔者二國相吞陵卑恃尊殊不知卑

則自亡而固存尊則謂明而反昏烏喙年年擗啄夫

差之肉稽山日日惟聽范蠡之言言曰伍員之賢東

吳之德伯嚭之佞東吳之賊德之盛方越可憂賊之

興方吳可殛臣以夙夜而計機謀偶得欲狂敵國之

君須中傾城之色待其聲色內伐君臣外惑自然紂

妲己以亡宗晉驪姬而亂國今苧蘿之山越水之灣

恐是神仙之化忽生桃李之顏波淺丹臉鴉深綠鬢

顰翠黛芳慘難效浣輕紗芳妖且開楊柳羞弱芙蓉

死殷可以變柳惠於嚴莊之際悅荆王於魂夢之間

臣請進馬王今何以王乃豁若而喜矍然而起曰此

益神假卿之碩畫天雪越之前恥乃命寶馬騰龍香

車輾風迎織女於銀漢娉姮娥於月宮炫耀雲外喧

闐洞中粧成而瑞玉凝彩服麗而朝霞翦紅昨日猶

賤今晨不同寧期大國之君流恩下及堪恨鄰家之婦謂妾常窮曉別越溪暮歸吳苑越慮計失吳嫌進晚歌一聲兮君魄醉笑百媚兮君心蹇坐令佞口因珠翠以興言立遣謀臣并洪濤而不返勾踐乃走電驅雷星馳箭催投醪而士卒皆醉嘗膽而胃襟洞開虎噬骨碎山崩卵摧楚腰衛鬢化為鬼鳳閣龍樓燒作灰於是命屠蘇之酒上姑蘇之臺伊霸業以何在俄英風而聿來於戲殺忠賢而受佳麗欲不敗而難哉

吳王郊臺在橫山東麓下臨石湖壇壝之形儼然相傳  
吳僭王時或曾祀帝也

吳王井在靈巖山腰大石泓也相傳為吳王避暑處詳

見靈巖山條

楊備詩石梵遺蹤傍古臺一泓寒影鑑光開何人照面金釵落曾見越溪紅粉

來

響屨廊在靈巖山寺相傳吳王令西施輩步屨廊虛而

響故名今寺中以圓照塔前小斜廊為之白樂天亦

名鳴屨廊

王禹偁廊壞空留響屨名為因西子遠廊行可憐伍相終尸諫誰記當時曳履聲楊

備步步香翻羅韞塵粉紅花艷滿宮春傾城一笑無遺跡不見長廊響屨人

梧桐園在吳宮本吳王夫差園也一名琴川語云梧宮

秋吳王愁

採香逕在香山之傍小溪也吳王種香於香山使美人泛舟於溪以採香今自靈巖山望之一水直如矢故

俗又名箭湫

楊備館娃南面即香山画舸爭浮日往還翠蓋風翻紅袖影芙蓉一路照波間

香水溪在吳故宮中俗云西施浴處人呼為脂粉塘吳王宮人濯粧於此溪上源至今馨香古詩云安得香水泉濯郎衣上塵

長洲在姑蘇南太湖北岼闔閭所遊獵處也吳主遣徐詳至魏魏太祖謂詳曰孤比老願越橫江之津與孫

將軍遊姑蘇之上獵長洲之苑吾志足矣詳對曰大王欲奉至順以合諸侯若越橫江而遊姑蘇是踵亡秦而躡夫差恐天下之事去矣太祖笑曰徐生得無

逆詐耶

吳地記

長洲苑舊經云在縣西南七十里孟康曰以江水洲為苑韋昭云長洲在吳東枚乘說吳王濞云漢修治上林雜以離宮佳麗玩好園宇禽獸不如長洲之苑則知劉渢時嗣葺吳苑其盛尚如此

孫遊長洲苑吳苑校獵吳王初鼎峙

羽獵騁雄才輦道闔門出軍容茂苑來山從列陣轉  
江自遠村回劍騎緣汀入旌門隔嶼開合離紛若電  
馳逐隘成雷勝地虞人守歸舟漢女陪可憐夷漫處  
猶在洞庭隈山靜吟猿父城空應雉媒戎行委喬木  
馬跡盡黃埃攬涕問  
遺老繁華安在哉

越城在胥門外越伐吳吳王在姑蘇越築此城以逼之  
城堞髣髴具在高者猶丈餘闊亦三丈而幅員不甚  
廣史記正義吳東門解引吳俗傳云子胥亡後越從  
松江北開渠至橫山東北築城伐吳據此文即今越  
城正是舊蹟詳見石湖門

越來溪在越城東南與石湖通溪流貫行春及越溪二橋以入橫塘清澈可鑒越兵自此溪來入吳故以名史記正義越自松江北開渠至橫山東北入吳即此溪來讀曰釐吳音也

魚城在越來溪西吳王游姑蘇築此城以養魚

吳地記

苦酒城在魚城之西南有故城長老云築以釀酒今俗

人呼為苦酒城

吳地記

鴨城在匠門外吳王築以養鴨

吳地記

雞陂在婁門外吳王養雞城也又名雞陂墟

南武城在海渚闔閭所築以禦見伐之師

吳地記

吳小城白門闔閭所作秦始皇帝時守宮吏燭燕窟失

火燒宮而門樓尚存

虞氏家記

美女宮夫差所作土城周五百九十步句踐所進美女

西施鄭旦之宮室也

越絕書

吳宮鄉在吳江縣甫里之地在今長洲東南五十里相

傳吳王別宮然舉無舊跡矣陸龜蒙嘗作問吳宮辭



蠡口在齊門之北又有蠡塘在婁門之東相傳鷗夷子

乘扁舟下五湖潛過此以出招大夫種因以名之

楊備

霸越勲名問世才五湖煙浪一帆開  
猶防鳥啄傷同輩此地復招文種回

角音祿頭即漢角里在洞庭山村漢角里先生所居史記

正義太湖中洞庭山西南中號祿里村即此角里今

有巡檢司號角頭巡檢俗或作角字

史記正義

黃堂事具官舍門

吳郡志卷八

欽定四庫全書

吳郡志卷九

宋 范成大 撰

古蹟

死亭灣在閭門外七里漢朱買臣妻恥而自縊處也

毛公壇即毛公壇福地在洞庭山中漢劉根得道處也

根既仙身生綠毛人或見之故名毛公今有石壇在

觀傍猶漢物也

白居易詩毛公壇上片雲閒得道何年去不還千載鶴翎歸碧落五湖空

鎮萬重山皮日休詩却上南山路松竹儼如廡松根礙幽逕孱顏不能斧擺屨跨亂雲側巾蹲怪樹三休



且半日始到毛公塢兩水合一澗深崖却為浦相敵  
百千戟共搗十萬鼓噴散日月精射破神仙府惟愁  
絕地脉又恐折天柱一窺耳目眩再聽毛髮豎次到  
鍊丹井井幹翳宿莽下有藥剛丹勺之百疾愈凝於  
白獺髓湛似桐馬乳黃露醒齒牙碧粘甘肺腑檜異  
松復怪枯疎互撐拄乾蛟一百丈髁然半天舞下有  
毛公壇壇方不盈畝當時雲龍篆一片苔蘚古有劉  
存鎮宣符今時時仙禽來忽忽祥煙聚我愛周息元忽  
起應明主名周微元三諫却歸來迴頭唾珪組伊余何  
不幸斯人不復覩如何大開口與世爭枯腐將山待  
夸娥以肉投狹狷歎坐侵桂陰不知已與午茲地足  
靈境他年終結宇散道萬石君輕於一絲縷陸龜  
蒙詩古有韓終道授之劉先生身如碧鳳皇羽翼披  
輕輕先生成驅役臣伏甲與丁勢可倒五岳不惟鞭  
葦靈飄飄駕翔螭白日朝太清空遺古壇在稠疊煙  
蘿屏遠懷步置夕列宿森然明四角鎮露獸三層差

羽嬰迴眸眇七炁運足馳陳星象外真既感區中道  
俄成爾來向千祀雲嶠空崢嶸石上橋花落石根瑤  
草青時時白鹿下此外無人行我訪岑寂境自言齋  
戒精如今君安死安字石魂魄猶羶腥有笈皆綠字有  
芝皆紫莖相將望  
瀛島浩蕩凌滄溟

石射棚在石城山有石鼓鼓鳴即有兵山有石馬望如  
人騎

東城崑山古圖經云縣故有城在縣東三百步今縣東  
猶謂之東城頭近歲耕者於東寺之後多得古城磚  
及銅箭鏃

神運殿基卽崑山慧聚寺殿事具慧聚寺門

龍柱崑山慧聚寺殿柱也梁張僧繇畫龍其上其後數  
出在江湖中僧繇又畫鏐鏐之唐會昌中廢佛寺柱  
留入郡中寺復郡以柱還寺橫閣於殿東間楣上余  
猶及見之淳熙中寺火柱亦隨燼

烏夜村晉穆帝后何淮女寓居縣南產后於此將產之  
夕有羣烏夜驚於聚落爾後烏更鳴衆共異之及明  
大赦

北禪院晉戴顓舊宅後為唐司勳陸郎中宅皮陸北禪  
聯句云歆蒸何處避來入戴顓宅龜蒙又有遊北禪  
詩云居士祇今開梵處先生曾是草玄堂

支遁菴在南峰古號支硎山晉高僧支遁嘗居此剎山  
為龕甚寬敞相傳有村婦生子於中菴頂遂中裂道  
林又嘗放鶴於此今有亭基道林喜養駿馬今有白  
馬碕云飲馬處也菴傍石上有馬足四云是道林飛  
步馬跡也

放鶴亭

見上

白馬礪

見上

馬跡石

見上

般若臺在吳縣西二里晉穆侯何準捨宅置東北角有

般若橋時人呼作朱明寺橋是也

吳地記

金昌亭在昌門宋少帝景平二年廢為營陽王幽于吳

郡徐羨之等使邢安泰弑帝于金昌亭帝有勇力不

即受制突走出昌門追以門關路之此云走出昌門



則亭尚在城中陸龜蒙又謂梁鴻墓在金昌亭下一里又似在城外恐在今城有少遷徙耳

梁雙殿在虎丘寺大殿前二小殿相對最為古跡淳熙中有僧庸凡而好修造始盡毀之好事者至今以為恨錢氏廣陵王在姑蘇不喜遨遊不事園苑惟每遊虎丘山寺前路引望則喜動顏色比至山必規畫修繕今寺多其經意處也

越公井今在治平寺前山岡上徑一丈八尺石欄如屏

繞之上有刻字多不可辨又有唐廣明元年僧茂乾述大唐楞伽殿後重修吳朝大井記略云惟茲巨井吳誌坐當橫山艮位越來溪西百步隋開皇十年越國公楊素築城創斯井焉時屯師孔多日飲萬人邇來三百餘年邑則可改其道不革按此即是楊素井蓋素既平陳嘗遷吳郡於山下至今謂之新郭茂乾修井記題首乃云吳朝大井蓋傳韻之誤僧輩不能辨也楞伽寺今名寶積寺與治平為鄰又知古只一

寺井正在楞伽殿後也井記又云寺創於乾元元年  
白公檜唐白樂天手植在州宅後池光亭前水中政和  
初已槁瘁高不滿二丈後為朱沖取獻京師死道中  
乃以他檜易之禁中初不知也今池中復植一株

石林

避暑  
錄

虎丘寺古杉在殿前相傳為晉王珉所植唐末猶在形  
狀甚怪不可圖畫皮日休稱其死奇節不知雨露之  
可生即是時已枯日休詩曰種日應逢晉枯來必自

隋陸龜蒙亦曰後凋依佛氏初植必僧彌寺蓋王氏別墅僧彌珉小字也

臨頓舊為吳中勝地陸龜蒙居之不出郭郭曠若郊墅

今城東北有臨頓橋皮陸皆有詩

皮日休一方蕭灑地之子獨深居遠

屋親栽竹堆牀手寫書高風翔砌鳥暴雨失池魚暗識歸山計村邊買鹿車○籬疎從綠槿簷亂任黃茅  
鑿酒移溪石煎茶拾野巢靜窻懸雨笠閑壁挂煙匏  
支遁今無骨誰為世外交○繭稀初上簇醅盡未乾  
牀盡日留蠶母移時祭麴王趁泉澆竹急候雨種蓮  
忙更葺園中景應為顧辟疆○靜僻無人到幽深每  
自知鶴來添口數琴列益家資壞塹生魚沫賴簷落  
燕兒空將綠蕉葉來往寄閑詩○夏過無擔石日高

開板扉僧雖與筒簞人不與蕉衣鶴靜共眠覺鷺馴  
同釣歸生公石上月何夕約譚微○經歲岬烏紗讀  
書三十車水痕侵病竹蛛網上衰花詩任傳漁客衣  
從遞酒家知君秋晚事白幘刈胡麻○寂歷秋懷動  
蕭條夏思殘久貧空酒庫多病束漁竿玄想凝鶴扇  
清齋拂鹿冠夢魂無俗事夜夜到金壇○閉門無一  
事安穩卧涼天砌下翹飢鶴庭陰落病蟬倚杉開把  
易燒术靜論玄賴有包山客時時寄紫泉○病起扶  
靈壽儻然強到門與杉除敗葉為石壑危根薜蔓狂  
遮壁蓮莖卧枕盆明朝有忙事台客斲桐孫○緩頰  
稱無利低眉號不能世情都太薄俗意就中憎雲態  
不知驟鶴情非會徵畫臣誰奉詔來此寫姜肱陸龜  
蒙近來惟樂靜移傍故城居閑打修琴料時封謝藥  
書夜停江上烏晴曬篋中魚出亦圖何事無勞置棧  
車○倩人醫病樹看僕補衡茅散髮還同阮無心敢  
慕巢簡便書露竹樽待破霜斃日好林間坐煙蘿近

欲交○倭僧留海紙山匠製雲牀懶外應無敵貧中  
 直是玉池平鷗思喜花盡蝶情忙欲問新秋計菱絲  
 一畝強○故山空自擲當路竟誰知祇有經時策全  
 無養拙資病深憐灸客炊晚信樵兒謾欲陳風俗周  
 官未採詩○福地能容壘玄關詎有扉靜思瓊板字  
 閑洗鐵筇衣烏破涼煙下人衝暮雨歸故園秋草夢  
 猶記綠微微○水影沈魚器鄰聲動緯車燕輕梢墜  
 葉蜂懶卧焦花說史評諸例論兵到百家明時如不  
 用歸去種桑麻○禹穴奇編缺雷平異境殘靜吟封  
 籙檢歸興削帆竿白石堪為飯青蘿好作冠幾時當  
 斗柄同上步罡壇○強起披衣坐徐行處暑天上階  
 來關雀移樹去驚蟬莫問鹽車駿誰看鬻甌玄黃金  
 如可化相近買雲泉○野入青蕪巷陂侵白竹門風  
 高開粟刺沙淺露芹根迸鼠緣藤桁飢鳥立石罅東  
 吳雖不改誰是武王孫○疎慵真有素時勢盡無能  
 風月雖為敵林泉幸未憎酒材經夏闕詩債待秋徵

祇有君同癖  
閑來對曲肱

重玄寺藥圃唐末僧元達年逾八十好種名藥凡所植

者多致自天台四明包山句曲叢萃紛糅各可指名

皮日休嘗訪之而題詩

皮日休雨滌煙鋤偃僂賣紺  
牙紅甲兩三畦藥名却笑桐

君少年紀翻嫌竹祖低白石靜敲蒸术火清泉閑洗  
種花泥怪來昨日休持鉢一尺彫胡似掌齊○香蔓  
蒙籠覆若邪檜煙杉露濕絮菜石盃換水撈松葉竹  
徑遷牀避笋牙藜杖移時挑細藥銅餅盡日灌幽花  
支公謾道憐神駿  
不及今朝種一麻

忠國師庵基在穹窿山絕頂疊石宛然唐顧在鎔留題

在光福山寺墨跡尚存

詩云蒼島孤生白浪中倚天高塔勢翻空煙凝遠岫列寒

翠霜染疎林墜碎紅溪渚式樓影澤鴈樓臺深貯洞庭風六時金磬落何處徧傍葦叢驚釣翁

虞山今為海巫山山即巫咸山所出

李後主題額在崑山惠聚寺大殿前二樓曰經臺鐘臺  
淳熙中寺焚無遺跡矣

柳毅井在洞庭東山道側按小說載毅傳書事或以謂  
是岳之洞庭湖以其說有橘社故議者又以為即此  
洞庭山爾



蔡經宅在朱明寺西

事具神仙門吳地記

吳國古館三曰昇月曰烏鵲曰江風昇月在帶城橋東

烏鵲在烏鵲橋今為營寨江風在渴烏巷又新館二

白通波曰金吳

吳地記

又續圖經載舊傳古館八曰金

吳通波龍門臨頓烏鵲昇羽江風夷亭云昇月疑即

昇羽今此亭尚存

洗馬池在府學之南

楊備一一牽來種是龍臨深欲下更嘶風金鞍玉勒拋何處騰踏渥

注寒影中

吳郡志卷九

欽定四庫全書

史部

吳郡志卷十一

詳校官監察御史<sub>臣</sub>沈孫璉

檢討<sub>臣</sub>德生覆勘

總校官編修<sub>臣</sub>倉聖脈

校對官助教<sub>臣</sub>卜維吉

謄錄監生<sub>臣</sub>陸潮愈

欽定四庫全書

吳郡志卷十

宋 范成大 撰

封爵

吳孫策漢建安二年自騎都尉襲爵烏程侯既破陳瑀

曹操表策為討逆將軍改封吳侯

吳書

晉吳敬王晏太康十年受封食丹陽吳興并吳三郡

成帝咸和元年十月封皇弟岳為吳王

慕容垂皝第五子雋僭位封垂吳王

後周尉遲綱武成元年進封吳國公歷位少傅大司空  
陳後主第十子藩封吳郡王

唐武德三年以和州總管東南道行臺尚書令楚王杜  
伏威為使持節江淮以南諸軍事揚州刺史東南道  
行臺尚書令淮南安撫使封吳王賜姓李氏

唐太宗貞觀十年子恪封吳王

唐天祐元年詔錢鏐落起復進封吳王

吳越  
備史

本朝大中祥符九年拜參知政事丁謂平江軍節度使

知昇州謂郡人建節本鎮一時為榮真宗皇帝賜以

御製詩尤為盛事詳具謂跋中

御製賜平江軍節度使丁謂詩序曰卿黃

閣同寅實彰於盡瘁碧幢臨鎮方屬於報功言當入  
謝之辰特賜襲賢之作今成七言四韻詩一首賜新  
授蘇州節度使丁謂依韻和進詩云懿辭碩畫播朝  
中造膝詢謀禮遇豐文石延登彰順美高牙前導表  
疇庸書生仗鉞今尤貴舊里分符古罕逢畫錦買臣  
安敢比黃樞早日接從容謂次韻和進云白麻初降  
紫宸中簪組相驚帝澤豐驟陟將壇知運偶久塵台  
席愧材庸桑榆便覺人間別旌戟猶疑夢裏逢已是  
都城聳榮觀更頌天唱耀戎容又賜御詩序卿名藩  
出莅雖極於倚毗文陛言辭良多於眷注特示寵行  
之什用增方面之榮今成五言十韻詩一首賜蘇州  
節度使丁謂依韻和進詩云踐歷功皆著詔詢務必

成懿才符曩彥佳器貫時英俾展經綸業旋陞輔弼  
榮嘉亨忻盛遇盡瘁罄純誠均逸明恩洽疇勞茂典  
行白麻三殿曉紅旆九衢平雖輟凝嚴任尤增倚注  
情擁旄辭帝闕頓轡望都城風景高秋月煙波幾舍  
程想卿懷感意常是夢神京謂次韻和進云叨竊逢  
嘉會孤單荷曲成高車陪上宰密座廁羣英步武清  
華地優游侍從榮勤劬期薄効忠謹誓明誠方畏官  
箴失俄驚寵命行冒恩心易感戀聖意難平未副宵  
衣念寧安晝錦情搖搖千里棹眷眷九重城蒞旆輝  
登路瓊章耀去程子年牽望處金闕玉為京謂跋云  
臣謂材用無取聲猷不揚徒以遭遇盛明忝冒榮寵  
掌邦計參國政一紀于茲贊皇儀相盛則百禮斯舉  
位重逾量恩深積憂益早負官箴久妨賢路或驟擬  
物論則大辜聖知優退是希陳露未暇去年秋九月  
甲辰忽奉制命遙登將壇進崇秩於上公建高牙於  
故里君親奇遇臣子殊榮授命之初便殿賜對天語

撫勞審旨溫密至感至戀且拜且泣十一日復對於  
宣和門賜御製入謝日七言四韻詩一首十九日朝  
辭於長春殿賜御製寵行五言十韻詩一首皆俾和  
進丹文綠字親奉於紫清雲笈芝函頒流於衡泌簪  
纓聳觀油素騰芳璧日九華萃圓首以拭目薰絃六  
變罄方興而悅心期大播於玉音敢盡刊於金字蘇  
臺奧壤鍾阜名區並謹歲時永昭盛美大宋天禧元  
年歲次丁巳正月二十六日推誠保德翊戴功臣金  
紫光祿大夫檢校太尉使持節蘇州諸軍事蘇州刺  
史充平江軍節度蘇州管内觀察處置堰橋道等  
使知昇州軍州事兼御史大夫上柱國濟陽郡開國  
公食邑三千五百戶食實封一千二百戶臣丁謂

### 牧守

吳郡地重舊矣守郡者非名人不敢當晉吳郡太守與



會稽吳興三郡為真二千石嘗欲以黃門侍郎郤愔為  
吳郡守愔自以資望少不宜超莅大都乃改臨海蘇峻  
平將以孔坦為吳郡自陳吳多賢豪而坦年少未宜領  
之亦改吳興蕭子範為蔡令撰辭吳郡表略云全吳奧  
區地迫都輦譬彼西京則扶風馮翊方之洛下則潁川  
河內自非時雨之政解繩之才寧可奉共理之言承河  
潤之旨白樂天少時嘗言異日首獲蘇杭一郡足矣後  
三十七年始佩蘇印又謂豈始望及此吳郡太守為古

今貴重於此可以槩見漢末分吳會時但稱會稽太守  
後漢始有吳郡太守晉時有吳國則曰吳國內史或曰  
郡守唐號蘇州刺史或稱吳郡太守或兼江東採訪使  
或稱吳郡採訪使今採摭諸史及他記載中顯有名稱  
者立牧守條本朝稱知蘇州今稱知平江府事具題名  
記

前漢朱買臣吳郡人武帝時為會稽太守治吳先是  
東越數反覆買臣因言故東越王居泉山一人守

險千人不得上今聞南徙五百里大澤中今發兵  
浮海直指泉山列兵席卷可破滅也乃拜買臣會  
稽太守帝謂買臣曰富貴不歸故鄉如衣繡夜行  
今子如何詔買臣到郡治樓船備糧食水戰具須  
詔書軍到與俱進初買臣昔嘗從會稽守邸者寄  
居飯食及為太守衣故衣懷其印綬步歸郡邸直  
會稽上計吏等羣飲買臣入室中守邸與共食少  
見其綬守邸怪之前引其綬視其印會稽太守章

也驚出語上計掾吏皆醉大呼曰妄誕耳其故人  
素輕買臣者入視之還走疾呼曰實然坐中驚駭  
白守丞推排陳列中庭拜謁買臣徐出戶有頃長  
安廐吏乘駟馬車來迎買臣遂乘傳去居歲餘受  
詔將兵與橫海將軍韓說等俱擊破東越有功徵  
入為主爵都尉列於九卿焉

後漢尹興為吳郡太守楚王英陰疏天下名士有興  
名

陳瑀以安東將軍行吳郡太守受詔與孫策同討袁

術將併圖策屯於海西為策所破

江表傳

許貢為吳郡太守時孫策方起貢上表漢帝謂策驍  
雄類項籍宜以貴寵召還若寘於外必為世患策  
候吏得表以示策策遂殺貢貢小子與客亡匿江  
邊策單騎出貢客擊傷策策病創死

盛憲器量雄偉遷吳郡太守以病去官孫策

闕

憂憲不免與曹公書徵為騎都尉

制命未至為權所害

會稽  
典錄

僮和後漢為吳郡太守

吳太史亨慈之子歷尚書吳郡太守

吳書一  
名高

謝勗吳郡太守與兄承並知名

滕胤有節操自丹陽徙吳郡太守每聽訟察言觀色

務盡情理人有窮冤對之流涕

晉譙敬王恬忠正有幹局在朝憚之補吳國內史

司馬允之恬之子為吳國內史拒庾楷斬其將段方

為桓玄所害

沈充車騎將軍吳國內史

見沈演之傳

傳咸為吳郡內史吳郡顧榮與親故書曰傳長虞勁直忠果雖非周才亦足貴也

王恬導之子少好武晚節更好士起為後將軍轉吳國內史

王洽導諸子中最知名為吳國內史召拜領軍尋加中書令固辭不受有清裁之稱

王珣洽之子為吳國內史在郡為士庶所悅

王劭導之子有風操為吳國內史子默亦繼父官

王蒼導之子為吳國內史年饑人多餓死蒼以倉米作饘粥以啗餓者所濟活甚衆召為中領軍復為

### 吳國內史

王謚劭之子少有美譽自侍中拜吳國內史未至郡留為中書令

袁山松博學有文章為吳郡太守時孫恩作亂山松



守滬瀆城城陷被害

魏詠之好學不倦桓玄篡位協贊義謀義熙初進征虜將軍為吳國內史

顏含有操行以孝聞除吳郡太守王導問含曰卿今莅名郡政將何先荅曰王師歲動編戶虛耗南北權豪競招游食國弊家豐執事之憂且當悉化勢門使反田桑數年之間欲令戶給人足如其禮樂俟之明宰含所歷簡而有恩明而能斷然以威御

下導歎曰顏公在事吳人斂手矣

鄧攸清和平簡方正寡欲為吳郡太守載米之郡俸  
祿無所受惟飲吳水而已時郡中大饑攸奏賑貸  
未報乃輒開倉救之郡政清明百姓歡悅為中興  
良守後稱疾去職郡常有送迎錢數百萬不受一  
錢百姓數千人牽攸船不得進攸乃小停夜中發  
去吳人歌之曰紆如打五鼓雞鳴天欲曙鄧侯挽  
不留謝令推不去百姓詣臺乞留一歲不聽

郅鑒討賊帥劉徵加都督吳郡諸軍事

刁彞協之子斬讎人黨以祭父墓由是知名歷吳國

內史

殷祐為吳郡內史上牋論顧榮功高贈典不稱榮由是贈侍中驃騎將軍開府儀同三司

江灌少知名才識亞於逋自尚書中護軍為吳郡太守加秩中二千石未拜卒

劉牢之當孫恩之亂吳郡內史桓謙棄郡走牢之都

督吳郡諸軍事恩破吳國殺內史袁山松牢之使  
參軍劉裕討平之

張茂有志行為鄉里所敬信補吳國內史沈充之亂  
遇害少嘗夢得大象以問占夢曰君當得大郡而  
不善也象大獸獸守也故知當得大郡然象以齒  
焚果如其言

賀循字彥先操尚高厲童叢不羣言行進止必以禮  
讓不汙陳敏之亂敏破除吳國內史不就元帝為

安東將軍復上循為吳國內史循作吳郡初不出  
門吳中強宗輕之乃題府門會稽雞不能啼賀聞  
故出行至門反顧索筆答之云不可啼殺吳兒於  
是至諸屯及邸閣檢校諸顧陸使官兵及藏逋亡  
悉以事言上罹罪者衆陸抗時為江陵郡都督故  
下自請孫皓然後得釋

出世說

顧祕吳國內史唱義傳檄以討李辰石冰之亂

應詹性質素弘雅以學藝文章稱由後軍將軍出補

吳國內史

庾冰亮之弟以雅素垂風自司徒右長史出補吳國內史蘇峻反遣兵攻冰冰不能禦奔會稽率衆進擊峻兵乘勝赴京都封新吳縣侯固辭不受

庾羲亮之子少有時譽初為吳國內史時穆帝頗愛文義羲至郡獻詩頗存諷諫

庾希冰之子自侍中出為輔國將軍吳國內史後死於桓溫之刑

蔡謨當蘇峻反時吳國內史庾冰出奔會稽乃以謨  
為吳國內史謨既至與張闓顧衆顧颺等共起義  
兵迎冰還郡峻平復為侍中

桓檀詳正有望補吳國內史

王愷為侍中多所獻替出為吳國內史

荀彧山松之子有儀操風望除建威將軍吳國內史  
荀羨彧之弟資稟逸羣清和有準遷吳國內史

王允之舒之子蘇峻之亂督護吳郡義興晉陵三郡

征討軍事破賊韓晃於長塘賊平以功封彭澤縣侯

王侃少歷顯職位至吳國內史

虞譚清正有檢操始為吳興太守蘇峻反加譚督三吳晉陵宣城義興五郡軍事峻平轉鎮軍將軍吳國內史徙會稽未發還復吳郡時軍荒之後百姓饑饉死亡塗地譚乃出倉米賑救又修滬瀆壘以防海抄百姓賴之子嘯父隆安初為吳國內史兄



驥之子谷亦位至吳國內史

樂謨廣之子南渡江為征虜將軍吳國內史

張敞郡人桓玄篡位敞為尚書以荅事忤玄敞表獻忠款事平為吳郡太守事見南史敞子邵傳而子裕傳乃云為吳國內史敞子孫至宋齊之後益昌為吳大家云

宋劉損字子騫元嘉中為吳郡太守至閭門便入太伯廟室宇頽毀垣牆不脩損愴然曰清塵尚可髣

髡衡字一何摧頽即令脩葺

王琨廉約忠實立朝強正為吳郡太守遷中領軍坐  
在郡用朝舍錢餉二宮諸王及作絳襖奉獻軍用  
左遷光祿大夫

袁珣為吳郡太守謚曰貞珣弟子梁舊名愍孫幼孤  
好學有清才隨珣在郡擁弊裘讀書足不踰戶有  
欲與珣子顗婚珣曰顗不堪政可與愍孫婚耳

張永廢帝時自侍中領安成王師出為吳郡太守事

具人物門

張岱永弟齊建元初為吳郡太守高帝手敕加護軍

以家為府事具人物門

張緒元徽中自侍中為吳郡太守事具人物門

張瓌宋昇明中以誅劉遐授吳郡太守封義成侯齊

明帝時復為太守以拒王敬則瓌事具人物門

顧琛吳人孝建初為吳郡太守以起義功封永新縣

五等侯廢帝即位為吳郡太守

王曇生大明中為吳郡太守又見顧琛傳

顧覲之吳人為吳郡太守不低意於幸臣蔡興宗嫌其風節過峻事見人物門

羊玄保歷吳郡太守文帝以玄保廉素寡欲故頻授名郡為政雖無殊績而去後常必見思

柳世隆字彥緒為吳郡太守居母憂寒不衣絮

王僧達為吳郡太守

王慈字伯寶少有內潤之稱歷吳郡太守

王誕字茂世為宋武帝太尉長史帝甚仗之復為吳國內史母憂去職

江夷字茂遠宋初歷吳郡太守營陽王於吳縣見害夷臨哭盡禮以兄疾去官歷任以和簡稱

王思遠為吳郡丞行郡事時稱得人詳見官吏門

褚淵字彥回宋明帝時歷侍中為吳郡太守帝寢疾亟馳使召之託以後事受顧命輔幼主

褚澄字彥道彥回弟尚宋廬江公主歷官清顯尤善

醫術建元中為吳郡太守百姓李道念以公事到郡澄謂曰汝有重疾荅曰病冷五年澄為診脉曰汝病非冷非熱當是食白瀹雞子過多所致令取蘇一升煮服之始一服乃吐出一物如升涎裹之動開看是雞雛羽翅爪距具足能行走澄曰此未盡更服所餘藥又吐得如向者雞十三頭而病都差當時稱妙

張充自尚書僕射出為吳郡太守下車恤貧老故舊

莫不欣悅事具人物門

宗室安陸昭王緬字景業仕宋為吳郡太守政有能  
名竟陵王子良與之書曰竊承下風數十年來姑  
蘇未有此政武帝嘉其能累遷官

宗室南康縣侯子恪字景沖有文學建武中為吳郡  
太守大司馬王敬則反於會稽以奉子恪為名子  
恪逃之梁大通二年復為吳郡太守卒

江數字叔文有風格不降意權倖歷吳郡太守

何叔度尚之之父義熙中為吳郡太守太保王弘每稱其清身潔已

謝舉字言揚與兄覽齊名江淹目為二龍大同三年為吳郡太守先是何敬容居郡有美績世稱何吳郡及舉為政聲跡略相比嘗要何徵君講中論何難以巾褐入南門乃從東門進致詩往復為武丘山賦題于寺

王規字威明神峰標映時稱俊人為吳郡太守簡文



帝為作謝章曰駕吉祥之車入句吳之地驅緹扇之馬撫奉德之鄉製錦何階棼絲方始主書芮珍宗家在吳前守宰皆傾意附之珍宗假還規遇之甚薄俄召為左戶尚書郡境千餘人詣闕請留表三奏不許求於郡立碑許之

袁君正字世忠美風儀早得時譽為吳郡太守侯景亂率所領赴援君正當官有名稱君正子憲字德章朝野嚴憚詳練朝章遷吳郡太守以父任固辭

改授南康內史

李元履幼有操業甚閑政體仕梁為吳郡太守

宗室南浦侯推字智進清敏好屬文歷吳郡太守所  
臨必旱吳人號旱母然侯景之亂握節死之

宗室南海王大臨大寶元年除吳郡太守時張彪起  
義會稽或勸大臨投之大臨曰彪若成功不藉我  
力如其撓敗以我說焉不往二年遇害

吳郡志卷十

欽定四庫全書

吳郡志卷十一

宋 范成大 撰

牧守

江革字休映自都官尚書監吳郡荒歲盜掠公行郡  
惟有公給仗具二十人民勾懼革至郡又省游軍  
尉百姓愈恐革廣施恩惠盜賊靜息

何敬容為吳郡太守為政勤恤民隱辨訟如神視事  
四年治為天下第一吏民詣闕請樹碑詔許之

袁昂天監十一年以吳郡太守為兼尚書

梁王僧智僧辯之弟為吳郡太守陳霸先殺僧辯僧智據城拒守霸先遣將軍裴忌攻之僧智奔吳興忌既逐王僧智陳霸先以為吳郡太守

陳裴忌字無畏聰敏有識量初武帝誅王僧辯僧辯弟僧智舉兵據吳郡帝命忌勒精兵自錢唐直趨吳郡夜至城下鼓譟薄之僧智疑大軍至輕舟奔杜龕帝嘉之表授吳郡太守

宗室晉安王伯恭字肅之為吳郡太守時年十餘歲  
留心政事官曹緝理

沈君理字仲倫為吳郡太守時兵革未寧百姓荒弊  
君理總集士卒修飾器械深以幹理見稱

宗室永陽王伯智天嘉中為吳郡太守聞陸慶之名  
欲見不可往慶宗人陸榮宅穿壁觀之其好賢如  
此案南史儒林傳末附載陸慶事但稱永陽王無  
名檢永陽王伯智傳少敦厚有器局博涉經史疑

即其人第傳不載其為吳郡蓋疏畧矣

宗室衡陽王伯信字吳郡舉孝廉伯信本傳不著

隋皇甫績字功明陳平為蘇州刺史高智惠等作亂  
與績相持八旬績擊破之

劉權字世畧開皇中為蘇州刺史時江南初平物情  
尚擾權撫以恩信甚得民和

唐馮衮牧蘇州郡政優游暇日輒縱飲博因會賓僚  
擲盧馮大勝以所得均遺一座乃吟曰八尺臺盤

照面新千金一擲鬪精神合是賭時須賭取不妨

回首乞閑人唐郡守縱放如此

出村情詩

韋應物貞元初為蘇州刺史工詩世號韋蘇州唐史  
不為立傳識者恨焉詳見辯證門并白居易吳郡  
詩石記論韋事為確

于頔字允文德宗時為蘇州刺史罷淫祠濬溝澮端  
路衢為政有績然暴橫少恩嘗為觀察使所劾

范傳正字西老為蘇州刺史有殊政進拜宣歙觀察



使在劉禹錫後

張搏自湖州刺史移蘇州辟陸龜蒙以自佐種木蘭  
於木蘭堂下

崔璞咸通中以司諫為郡有文采風流與郡中秀才  
相從有詩詞即命僚屬及名士賡和其去郡皮陸  
皆有和篇有露濃春後澤霜薄霽來威之句蓋恩

威兩全之政

松陵集

白居易字樂天穆宗時以太子左庶子分司東都拜

蘇州刺史病免居易為郡時多燕遊嘗攜蟬態容  
滿點茶十妓夜遊西虎邱山又賦紀遊詩云領郡  
時將久遊山數幾何一年十二度非少亦非多

劉禹錫字夢得裴度薦為禮部郎中集賢直學士出

為蘇州刺史

王闕張有德楊志梁知微陰崇劉微

江東採訪使

趙居貞

比部郎中採訪使

段同泰畢伉

兵部員外郎江南採訪使

許韶伯

右皆蘇州刺史

狄兼謨文宗時自鄭州刺史改蘇州以治最摧給事

中

盧商字為臣為蘇州刺史吏以鹽法求贏貲民愈困  
商令計口售無常額人便之歲貲返增宰相上其  
勞進浙西觀察使

陸亘歷蘇州刺史以善政稱事具人物門

盧簡求景龍中為蘇州刺史事見觀音院記

王仲舒字弘中自婺州刺史徙蘇州隄松江為路變

屋瓦絕火災賦調常與民為期不擾自辦穆宗每  
言仲舒之文最宜為誥有古風召為中書舍人

王成自信州刺史有政績詔書褒美徙蘇州

楊發為蘇州刺史治以恭長慈幼為先以能政聞餘

見雜志門

崔稜字德長為蘇州刺史性介潔矜已之清視賊負  
者如讐奏課第一遷湖南觀察使

唐有李丹宗瓊李希言

兼採訪使

裴澄蕭誼

職方郎中江東採訪使

錢鏐字具美龍紀開平之間以兵平定蘇州景福元年以鏐為蘇杭等州觀察使奏置州縣及割嘉興縣為秀州

後梁曹圭少有膽氣事錢鏐梁開平中任蘇州刺史淮人圍之急正月望夜圭張宴族人師魯宅盛陳燈火令賊俘縱觀淮人讐焉卒於官子仲達為吳越國相周顯德三年會王師攻江南命圭從兄知

中吳節度事文奉為水陸應援諸軍都統使于本  
州以備徵發

唐成及字弘濟吳越錢氏時為蘇州刺史乾寧中楊  
行密攻之常熟鎮將陸郢等以城應賊及被執行  
密閱其府庫惟圖書藥物心敬重之與歸淮南將  
以為行軍司馬及辭曰及以百口託錢塘姑蘇城  
陷不能引決以至于此豈可以本道符節易富貴  
於鄰境願以此身贖百口之命引佩刀將自刺行

密遽起持之厚為禮而歸之鏐迎勞郊外把袂而泣終彰義軍節度使

孫承祐事錢氏本朝開寶八年改蘇州中吳軍為平江軍以承祐為節度使賞從征之勞也承祐仕錢氏時嘗應王師征李煜破毗陵太平興國三年錢氏納土徙為兗州泰寧軍節度使

吳越錢元璪字德輝鏐第四子儀狀瑰傑梁淳化三年以功遷蘇州刺史累授中吳建武軍節度蘇常

潤三州團練使加檢校太師守太傅同平章事侍  
中中書舍人彭城郡王治蘇三十年儉約鎮靖郡  
政循理弟元瓘襲位元璪觀之宴宮中元瓘起壽  
曰先王之位兄宜當之俾小子至是皆兄推戴之  
力元璪俯伏曰王功德高茂先王擇賢而立敢忘  
忠順因相顧感泣兄弟訖無間言晉天福七年詔

封廣陵郡王

九國志吳  
越備史

錢文奉元璪之子善騎射能上馬運槊涉獵經史精



音律圖緯醫藥鞠奕之藝皆冠絕一時初以父廕  
為蘇州都指揮使遷節度副使元璫卒代知蘇州  
中吳軍節度使有鑒裁禮下賢能士負才藝者多  
依之作南園東莊為吳中之勝

東莊一名東墅

一多聚法書

名畫寶玩雅器號稱好事又與賓僚共采史籍著  
資談三十卷行於世嘗問命於天台僧德韶韶曰

明公年至八十一歲後六十一歲以開寶二年八

月十一日卒

九國志吳越備史

鞠真卿所至有威名知蘇州政事無它施設而人自  
憚之庭訟寂然每平明視事自無來者真卿即歸  
休客至多不及見後自兗州貶南安軍道過蘇郡  
人相戒不敢過其泊舟處五日左右不聞人聲其

見憚如此

林希  
逸史

章岵元豐中以朝議大夫守郡剛介不可屈人目之  
曰章硬頸其子出入以皂絹為繖二人肩輿

本朝牧守題名

吳郡自古皆名人為守既畧編叙見牧守門本朝郡將則題名石具焉中更兵燼石久不存紹興十五年王暎始追輯自至道年陳省華始而石林先生葉夢得為之

記今錄葉記於注下而列題名於後

平江吳故都控帶楚越形勢風物自

為一都會本朝命守多一時聞人今實文閣直學士王公顯道由工部侍郎來鎮適當兵火擾攘之後前此臨治者類急於招集流亡撫綏彫瘵未暇盡舉其所當為至顯道曰天下今定矣化行自內始相與奉承維持輔成永世之業實在四方之政於是官廳而廢職者民姦而干令者一董振之凡閭里疾苦朝聞夕行興時調度不給或不得已取於民皆罷之未幾成信且畏上下秩秩有序蠹弊剗革幽枉宣達府庫

有餘積而斂不加廣益修城池興學校嚴舍館以待  
賓旅之至朞年郡以無事先是高祖太師景德中嘗  
領是邦至嘉祐中伯祖侍郎復繼之逮顯道百餘年  
間王氏之為平江者三皆有績在人士大夫以為美  
談郡舊有太守題名記先後迭代序次惟謹亡於煨  
燼顯道訪之久不得乃更伐石追修故事以遺來者  
而求文於余以識其始惟善惡之在天下固不可欺  
也未嘗無公論然必待久而後能定彼翕翕徇俗掠  
取須臾之譽與所設施或未能窺其成而妄意有不  
滿者徐以占於後則昭然如黑之與白其誰敢誣今  
郡為題名記所在而有豈徒表姓氏紀歲月而已哉  
抑善者其傳猶未泯吾得以考其不善者推其所以  
失亦足以戒各以效其材而成其志則雖遐方幽遠  
之邦可使如在輦轂而況其近者乎乃為之書且以  
塗之言得於顯道者載焉紹興十五年十月望觀天  
殿學士左通議大夫提舉臨安府洞霄宮葉夢得記

欽定四庫全書

卷十一

并書

陳省華

朝散大夫行在尚書  
吏部員外郎至道

魏庠

諫議大夫

裴莊

朝奉郎守尚書度支郎中  
題虎邱詩云咸平元年  
題名以留

梅詢

朝散大夫太常丞直集賢  
院書祠部員外郎  
景德

王贇

尚書司封員外  
郎景德

曾致堯

尚書吏部  
員外郎

秦義

崇儀使  
大中祥符

黃震

承奉郎守尚書屯田員外郎  
大中祥符五年題名無今吳江

陳靖

尚書刑部郎中直史  
館天禧元年四月

康孝基

朝奉大夫行尚書都官員外郎  
虎邱真堂讚云天禧五年四月

孫冕

大中大夫尚書禮部  
郎中直史館天聖

葉參

朝散大夫尚書刑部郎中  
虎邱雲巖寺記云天聖二年六月題名云誤

范仲淹

朝散大夫員外郎天  
章閣待制景祐

蔣堂

朝奉郎尚書吏部員外  
郎景祐四年六月

張億

朝散大夫尚書刑部員  
外郎直史館景祐

富巖

左朝散大夫守尚書刑部郎中試祕書監 康定

邵師

尚書考功郎中 慶歷

梅摯

尚書戶部員外郎 慶歷

趙槩

尚書刑部郎中

蔣堂

樞密直學士左諫議大夫 皇祐

王琪

尚書度支員外郎龍圖閣待制 皇祐二年

呂居簡

虎邱留題詩刻云光祿卿 至和三年

唐詢

嘉祐

王琪

尚書工部郎中  
知制誥 嘉祐

蔡抗

嘉祐

鞠真卿

嘉祐

陳經

朝奉郎守尚書祠  
部郎中 治平

滕甫

龍圖閣學士右光  
祿大夫 治平

沈扶

尚書金部員  
外郎 治平

孫覺

右司諫  
熙寧

張詵

熙寧



程師孟

正議大夫給事中充  
集賢殿修撰 熙寧

王誨

朝散大夫尚書司  
勳郎中 熙寧

唐詔

熙寧

韓朴

尚書度支郎中  
熙寧九年

范諤

左朝奉天  
夫 元豐

韓鐸

尚書度支郎  
中 元豐

楊景畧

元豐

晏知止

朝請大夫尚書司  
封員外郎 元豐

劉淑

朝請大夫  
元豐

章岵

朝議大夫  
元豐五年

林希

朝散郎充集賢  
殿修撰  
元祐

劉定

朝散大夫  
元祐

王覲

承議郎直龍  
圖閣  
元祐

黃履

左朝請郎充天章  
閣待制  
元祐

吳居厚

左朝奉郎  
紹聖

蔣之翰

右朝散大夫  
紹聖

賈青

朝散大夫  
紹聖

王子京

承議郎充  
校理元符閣

陳師錫

承議郎充  
校理元符閣

張公庠

中散大夫  
元符

豐稷

樞密直學士建中靖國元年十一月到崇寧元年二月知越州

吳伯舉

朝奉郎直學士  
崇寧元年六月到

宇文昌齡

寶文閣待制崇寧元年十月到十一月知越州

林邵

顯謨直學士朝議大夫  
崇寧

邵毓

朝散大夫直龍圖閣 崇寧

董誥

朝散大夫直龍圖閣 崇寧

張恕

朝散大夫 崇寧

蔡渭

朝散大夫 崇寧

郭茂恂

朝請大夫直龍圖閣 崇寧

蹇序辰

中大夫充龍圖閣待制 崇寧五年正月到任十二月落職 提舉杭州洞霄宮

許光疑

通直郎知蘄州 崇寧五年十二月到

孫傑

朝請郎直龍圖閣 大觀

吳拭

朝奉郎大觀二年五月到  
八月提舉杭州洞霄宮

李孝壽

朝請郎大觀三年八月到四年三月降集賢  
殿修撰政和元年六月除顯謨閣待制提舉

醴泉

觀

王詔

朝請大夫充集賢殿  
修撰政和元年

馬防

中大夫復集賢殿  
修撰政和元年

盛章

朝請郎充顯謨  
閣待制政和

董正封

朝散大夫充集賢  
殿修撰政和

盛章

顯謨閣直學士朝  
散大夫政和

宋康年

中奉大夫  
政和

莊徽

中大夫充徽猷閣待制政和

應安道

徽猷閣直學士通議大夫政和

賈諲

太中大夫充徽猷閣待制宣和

樓昇

徽猷閣直學士朝請大夫宣和

胡直孺

中奉大夫充秘閣修撰宣和

李倫

顯謨閣直學士朝散大夫宣和

王靚

通議大夫充徽猷閣待制靖康

欽定四庫全書

吳郡志  
卷十一

十四

鄭滋

朝奉大夫充徽猷閣待制靖康元年十月到任建炎元年七月罷

趙岍

中散大夫  
建炎

孫覲

承議郎充徽猷閣待制建炎

湯東野

徽猷閣直學士  
中大夫建炎

孫覲

龍圖閣直學士  
朝奉郎建炎

李邴

寶政殿學士中  
大夫建炎

湯東野

徽猷閣直學士  
中大夫建炎

胡松年

起復朝請郎直龍圖閣建炎四年九月到紹興二年閏四月罷

李彌大

顯謨閣直學士朝散郎紹興二年閏四月到任五月提舉江州太平觀

席益

左朝奉郎充集英殿修撰紹興二年五月到八月赴召

李擢

左朝請郎充徽猷閣待制紹興二年十月到紹興三年三月除工部侍郎

宋伯友

左太中大夫充徽猷閣待制紹興三年八月到十一月提舉江州太平觀

孫佑

右朝請郎直祕閣紹興四年正月到紹興五年二月罷

趙子書

徽猷閣直學士左朝奉大夫紹興五年二月到七月赴召

李光

顯謨閣直學士左朝奉郎紹興五年七月到十一月赴召

張守

資政殿大學士左中大夫紹興五年十二月到紹興六年四月提舉臨安府洞霄宮



欽定四庫全書

吳郡志  
卷十一

十五

章誼

龍圖閣學士左通議大夫紹興六年八月到紹興七年八月赴召

梁汝嘉

寶文閣直學士右朝散大夫紹興七年九月到紹興八年七月知台州

向子諲

徽猷閣直學士右朝請大夫紹興八年八月到十一月致仕

歐陽懋

右中奉大夫充徽猷閣待制紹興九年正月到五月提舉江州太平觀

趙需

徽猷閣直學士左朝議大夫紹興九年八月到十年六月知秀州

梁汝嘉

寶文閣直學士右朝散大夫紹興十年六月到十一年七月知明州

張宗元

寶文閣直學士左朝議大夫紹興十一年八月到十三年正月知靜江府

周葵

左承議郎直祕閣紹興十三年正月到十四年正月罷

王喚 寶文閣直學士右通奉大夫紹興十四年三月  
到十五年閏十一月除寶文閣學士十七年正

月提舉江州  
太平興國宮

鄭滋 顯謨閣直學士左大中大夫紹興十七  
年三月到紹興十八年五月知建康府

俞俟 敷文閣直學士右中大夫紹興十八  
年五月到十九年三月知建康府

王晌 右奉直大夫紹興十九年三月  
到十一月除直祕閣知建康府

周三畏 右朝請大夫充敷文閣待制紹興十九年十  
二月到二十年三月提舉江州太平興國宮

徐琛 右中奉大夫充敷文閣待制紹興二十年五月  
到二十三年三月除敷文閣直學士提舉江州

太平興  
國宮

李朝正

左朝請郎紹興二十三年四月到二十四年十一月罷

湯鵬舉

左中大夫直龍圖閣紹興二十五年正月到七月罷

王會

敷文閣學士右朝奉大夫紹興二十五年八月到十一月知建康府

孟忠厚

少師保寧軍節度使信安郡王紹興二十六年二月到十一月判紹興府

蔣璨

右中大夫充集英殿修撰紹興二十七年二月到二十八年三月除敷文閣待制十月提舉洪

隆州王觀

陳正同

右朝奉郎充敷文閣待制紹興二十八年十月到三十年三月提舉江州太平興國宮

朱翌

左朝奉大夫充祕閣修撰紹興三十年三月到任九月除敷文閣待制三十一年三月罷

洪遵

徽猷閣直學士右朝請郎紹興三十一年五月到三十二年五月除翰林學士

沈介

左朝奉大夫紹興三十二年七月到十月除敷文閣待制十一月除敷文閣直學士四川安撫

制置使兼  
知成都府

陳之茂

左朝散郎直祕閣紹興三十二年十二月到隆興元年四月除直顯謨閣知建康府

張孝祥

左承議郎充集賢殿修撰隆興元年五月到二年二月赴召

陳漢

右中奉大夫直敷文閣隆興二年三月到七月主管台州崇道觀

虞允文

顯謨閣學士左朝請大夫隆興二年十月到十一月赴召

沈度

右朝散大夫直祕閣隆興二年十一月到乾道二年七月赴召

沈介

顯謨閣直學士左朝請大夫乾道二年七月到三年四月召

姚憲

右朝散郎直秘閣乾道三年五月二十日到任四年五月以捕盜有勞特轉朝請郎十二月磨

勦轉朝奉大夫三月  
除兩浙路轉運判官

徐嘉

左中大夫充敷文閣待制乾道五年四月十六日到任乾道六年四月十九日除徽猷閣直學

士提舉江州  
太平興國宮

汪應辰

端明殿學士左中奉大夫乾道六年五月十六日到任九月提舉江州太平興國宮

魏杞

觀文殿學士左宣奉大夫乾道六年五月到乾道七年十二月提舉臨安府洞霄宮

向洵

右朝議大夫直徽猷閣乾道八年正月到六月主管台州崇道觀

邱密

左承議郎直祕閣乾道八年七月到八月唐勗轉朝奉郎乾道九年四月差主管台州崇道觀

方滋

敷文閣直學士左太中大夫乾道九年五月到七月除敷文閣學士提舉江州太平興國宮

馬希言

朝散大夫直敷文閣乾道九年七月到淳熙元年七月罷

韓彥古

朝奉大夫祕閣修撰淳熙元年七月到當年九月二十六日丁母斬國夫人周氏憂解官

服持

莫漳

承議郎直祕閣淳熙元年十月到十一月宮觀

韓彥古

起復朝奉大夫充祕閣修撰淳熙二年正月到六月除敷文閣待制八月罷

陳峴

朝散大夫直敷文閣淳熙二年八月到十一月轉朝請大夫三年七月除直徽猷閣四年五月

除祕閣修撰再任五年二月  
賜紫章服并金帶七月赴召

單夔

朝奉大夫充敷文閣待制淳熙五年九月到六年三月提舉江州太平興國宮

司馬伋

中奉大夫充敷文閣待制淳熙六年四月到當年八月提舉江州太平興國宮

王佐

朝請大夫充顯謨閣待制淳熙六年十二月到七年二月磨勘轉朝議大夫十一月改知臨安

府

韓彥質

朝請大夫充祕閣修撰淳熙七年十二月到九年七月除太府少卿淮西總領

耿秉

降授奉議郎直祕閣兩浙運判兼權淳熙九年七月到八月陞徽猷閣正除十年正月復承議

郎十月除直龍圖閣知鎮江府

謝師稷

朝散大夫集英殿修撰淳熙十年十月到十一年十一月主管建寧府武夷山沖佑觀

邱密

朝散大夫直徽猷閣淳熙十一年十二月到明年帥越

何萬

朝奉大夫淳熙十三年正月到六月除直龍圖閣知明州

王希呂

龍圖閣學士中大夫淳熙十三年八月到十四年四月召

趙彥操

朝議大夫充祕閣修撰淳熙十四年八月到十六年二月除右文殿修撰五月轉中奉大

夫八月再任紹熙元年三月除集英殿修撰知鎮江府

袁說友

朝議大夫直祕閣紹熙元年三月到二年五月赴台

沈揆

中大夫祕閣修撰紹熙二年六月到四年二月除司農卿



王尚之

朝奉大夫直龍圖閣紹熙四年三月到當月致仕

雷灝

朝散大夫直煥章閣紹熙四年七月到五年八月覃恩轉朝請大夫九月改差主管建寧府武

夷山沖佑觀

王溉

朝散大夫直祕閣紹熙五年十一月到慶元元年二月磨勘轉朝請大夫二月除兩浙路

轉運副使

鄭若容

朝散大夫直祕閣慶元二年三月到

虞儔

朝散大夫直煥章閣慶元二年十二月到三年四月磨勘轉朝請大夫十一月除直顯謨閣江

南西路轉運副使十二月改除兩浙西路提點刑獄公事兼知府事

劉誠之

朝奉大夫直祕閣慶元四年六月到八月磨勘轉朝散大夫五年六月除直敷文閣知錢

州

趙不艱

朝散大夫直祕閣慶元五年六月到六年七月除直煥章閣嘉泰元年三月轉朝請大夫

四月除直顯謨閣再任

張抑

敷文閣學士中大夫嘉泰二年三月到當月磨勘轉太中大夫三年二月除寶文閣學士官觀

張巖

資政殿學士中奉大夫嘉泰三年三月到四年正月除資政殿大學士改差知揚州

李大性

寶謨閣直學士太中大夫嘉泰四年七月到開禧二年四月除煥章閣直學士改知福州

張澤

朝請郎開禧二年五月到當年九月除龍圖閣待制十月赴召

沈作賓

中大夫龍圖閣待制開禧二年十一月到權節制許浦水軍十二月磨勘轉太中大夫三

年二月差兼督視行府參贊軍事三月就改知鎮江府

林采

通議大夫充寶謨閣待制開禧三年四月到五月權節制許浦水軍十一月宮觀

李大異

朝奉大夫徽猷閣待制嘉定元年四月到六月磨勘轉朝散大夫八月除寶謨閣直學士

依舊知平江府二年十二月磨勘轉朝請大夫三年正月知建府

趙希惲

朝奉郎龍圖閣待制嘉定三年四月到四年八月除煥章閣直學士依舊知平江府五年

正月磨勘轉朝散郎當年正月除顯謨閣直學士差知太平府

陳節

朝散郎兩浙西路提點刑獄公事嘉定五年二月準尚書省劄子兼權當年八月除直祕閣知

平江府七年九月除度支郎官

沈皞

奉直大夫秘閣修撰嘉定七年九月二十七日  
到八年十一月磨勘轉朝議大夫十年四月十

三日除浙東提刑

趙彥楠

朝請大夫集英殿修撰嘉定十年六月五日  
到十一年七月除寶謨閣待制致仕

李大性

端明殿學士正奉大夫嘉定十二年二月六日  
到當年六月一日除提舉西京嵩山崇福

宮

蔡奎

朝散郎直敷文閣嘉定十二年十二月二十九日  
到嘉定十四年六月准告昨任湖廣總領調

遣軍馬五闕策應追敵兵委有勞績特轉朝奉  
大夫十五年該遇受寶轉朝散大夫過滿勾祠至

當年五月除主  
管亳州明道宮

趙汝述

華文閣直學士正議大夫嘉定十五年五月二十九日到當年十二月二十日乞守本官

致仕二十五日除徽猷閣  
直學士特轉一官致仕

沈皞

太中大夫集英殿修撰嘉定十六年七月二日到十七年十一月十日準告以職事修舉除寶

謨閣待制仍賜金帶寶慶元年四月該登極恩轉  
通議大夫屢丐祠請五月二日除煥章閣待制依  
所乞提舉安慶  
府真源萬壽宮

王元春

中大夫右文殿修撰寶慶元年六月十一日到三年四月八日除大理卿

章良明

朝奉大夫直寶謨閣紹定元年三月十七日到七月初四日致仕

林介 寶慶三年四月以提刑兼權十二月除太府少卿依舊兼權紹定元年七月再兼權十一月改

除大理卿

李壽朋 朝請大夫直寶謨閣紹定元年十二月二十八日到任二年十月二十七日除依舊直寶

謨閣判官  
路轉運判官

朱在 朝議大夫寶謨閣待制紹定二年十一月二十六日到任三年十一月二十一日除煥章閣待

制知  
袁州

吳淵 宣教郎直煥章閣紹定三年十二月初三日到任四年四月二十一日該遇慶典轉奉議郎七

月十六日改  
除浙西提刑

鄒應博

朝奉大夫新除直祕閣紹定四年九月十四日到任六年十一月召赴行在

楊曄

徽猷閣學士正奉大夫紹定六年十二月十二日到任端平元年三月丐祠奉聖旨依所乞提

舉隆興府玉隆萬壽宮

趙立夫

中大夫新除祕閣修撰浙西提刑端平三年三月兼知府事當年八月廿六日依舊祕閣

修撰除樞密副都承旨

張嗣古

中大夫右文殿修撰端平元年十月二日到任三年正月令赴行在奏事當年六月宮觀

王遂

朝奉大夫新除煥章閣待制四川安撫制置副使兼知成都府端平三年四月十二日三省同

奉聖旨依舊煥章閣待制改差知平江軍府事節制許浦都統司水軍七月初九日到任嘉熙元年

七月二十五日奉聖旨除敷文閣  
待制差知慶元府沿海制置使

吳潛朝請大夫新除工部侍郎嘉熙元年八月十七  
日到任九月二十五日准省劄都大提舉許浦

都統司水軍二  
年正月與宮觀

史宅之

朝議大夫依舊徽猷閣待制改知平江府兼  
浙西提舉嘉熙二年閏四月初三日陞寶文

閣待制二十四日到任六月八日節制許浦都統  
司水軍十八日節制在府軍馬仍舊節制許浦水  
軍三年正月一  
日召赴行在

趙與憲

中奉大夫直敷文閣知平江府兼浙西兩淮  
發運副使嘉熙三年四月十三日到任五月

初一日准樞密院劄子節制許浦水軍淳祐元  
年二月准省劄除中書門下省檢正諸房公事



史宅之煥章閣直學士太中大夫知平江府節制許浦水軍兼浙西兩淮發運副使提領措置和

糴淳祐元年三月初九日到任

陳墀中大夫右文殿修撰知平江府兼兩淮浙西發運副使節制許浦水軍提領措置浙西和糴淳

祐三年二月十九日到任  
四年四月七日除太府卿

魏峻朝散大夫集英殿修撰知平江府兼兩淮浙西發運副使節制許浦都統司水軍淳祐四年四

月二十六日到任八月以經筵徹章轉朝請大夫五年四月御筆除寶章閣待制賜帶八月招糴及

數轉朝議大夫十二月磨勘轉中奉大夫六年又以招糴轉中大夫三月十三日御筆除刑部侍郎

徐鹿卿朝奉大夫右文殿修撰和平江府兼兩淮浙西發運副使節制許浦都統司水軍淳祐六

年閏四月二十八日交發運司職事五月十一日到任交割府事七年四月二十二日御筆召赴行

在五月十三日准告磨勘轉朝散大夫當月十六日御筆除權兵部侍郎

吳淵

龍圖閣學士太中大夫浙西兩淮發運使兼知平江軍府事兼管內勸農使節制許浦都統司

水軍封金陵郡侯進爵為公



吳郡志卷十一